

# Powšitkowne WOZJEWJENJA

njedźelu, 11. meje 2014

## Nyšpor z požohnowanjom motorskich

Popołdnjo z požohnowanjom motorskich zahaji so tutu njedźelu, 11. meje, w 14 hodź. z nyšporom w Ralbičanskej cyrkwi. Přizamknje so wulět.

## Beneficny koncert we Łazku

Před kulisu Łazkowskeho niwoweho lěsa zarjadyje Towarstwo swjateje Filomeny tutu njedźelu, 11. meje, w 14.30 hodź. beneficny koncert. Program wuhotuja Ralbičanscy pozawnisća, hudźbnik Měrćin Weclich, šulerjo Pančičanskeje zakładneje šule, muski chór Delany, Łajska dźiwadłowa skupina Šunow-Konjegy, Smjerdžečanska rejowanska skupina kaž tež awtoraj Monika Kochowa a Beno Budar. Wunošk wužije so za nakup małego busa, kotryž ma so we wjacorych socialnych zarjadnišćach w bołharskim Razgradze wužiwać.

## Přednošk wo skutkowanju Renovabis

W zwisku z lětušej swjatkownej akciju Renovabis přednošuje farar Dariusz Kruczyński, direktor Carity Ełkskeje diecezy w sewjerowuchodnej Pólskej, štwórtk, 15. meje, w Chróścicach na farje. Přednošk, na kotryž su zajimcy ze wšěch wosadow přeprošeni, započnje so po mejskim nyšporje. Nyšpor je w 19 hodź. w cyrkwi.

## Duchowna hudźba w Chróścicach

Serbski ludowy ansambl wuhotuje sobotu, 17. meje, w 19.30 hodź. w Chróšćanskej cyrkwi koncert duchowneje hudźby. Mjez druhim zaklinčitej „Spěwny cyklus na teksty Miny Witkojc“ Detlefa Kobjele a 1. sinfonija Franza Schuberta. Wšitcy zajimcy su wutrobnje přeprošeni.

## Putnikowanje młodžiny do Krupki

Młodostni wot 16 lět su přeprošeni, wot njedźele, 27. julija, hač do pjatka, 1. awgusta, do Krupki putnikować. Přizjewić móža so hač do pjatka, 27. junija, na farje w Chróścicach, telefonowe čisło (03 57 96) 8 04 00. Po tym so hižo žane přizjewjenja njeprizwozmu. Putnicy zetkaja so njedźelu, 29. junija, po nyšporje w Chróścicach na farje. Za wšitkich nowačkow je tute zetkanje winowatosć. Nyšpor je w 14 hodź. Putniska Boža mša w Krupce budže srjedu, 30. julija, w 10 hodź.

## Putnikowanje serbskeje młodžiny

Putnikowanje dekanatneje młodžiny k maćeri Božej na lipje do Różanta budže na njedźeli Swjateje Trojicy, 15. junija. Kemše započnu so w 10.30 hodź.

## Koparski turněr serbskich młodostnych

Koparski turněr dekanatneje młodžiny budže sobotu, 21. junija, w Pěskecach. Zakop je w 10.00 hodź.

## Ministrantska kopańca

Tradicionalny koparski turněr serbskich ministrantow budže lětsa sobotu, 5. julija, w Pěskecach. Započatk je w 9.00 hodź. z Božej mšu we wjesnej cyrkwiće.

## Wulět samostejacych tež za dalších zajimcow

Za wulět samostejacych přichodnu wutoru, 13. meje, su hišće někotre městna swobodne. Štóz chcył sobu do Annaberga-Buchholza jěć, njech so hač do pónđzele, 12. meje, w 10 hodź. w redakciji Katolskeho Posoła přizjewi, telefonowe čisło (0 35 91) 55 02 12.

### Bus pojedže po scěhowacym planje:

- 6.20 hodź. Radwor (nawjes)
- 6.40 hodź. Chróscicy (křiž. do Hórkow)
- 6.45 hodź. Hórki (bus. zastanišćo)
- 6.50 hodź. Nowa Wjeska (bus. zastan.)
- 6.55 hodź. Różant (pola Suchec)
- 7.00 hodź. Smjerdžaca (bus. zastan.)
- 7.05 hodź. Pěskecy (bus. zastanišćo)
- 7.10 hodź. Serbske Pazlicy (bus. zastan.)
- 7.15 hodź. Njebjelčicy (hospoda)
- 7.20 hodź. Pančicy-Kukow (apoteka)
- 7.30 hodź. Wotrow (bus. zastanišćo)

### Přidatny mały bus:

- 5.50 hodź. Budyšin (Hegelowa, w směrje do města)
- 6.05 hodź. Boranecy (bus. zastanišćo)
- 6.30 hodź. Konjecy (bus. zastanišćo)
- 6.35 hodź. Šunow (bus. zastanišćo)
- 6.50 hodź. Worklecy (bus. zastanišćo)
- 7.05 hodź. Kamjenc (Macher. naměsto)

## Nightfever w Drježdžanach

Přichodny nightfever w Drježdžanach wotměje so sobotu, 24. meje, w cyrkwi Jězusoweje wutroby (Borsbergstraße 15). Wječor zahaji so we 18 hodź. z Božej mšu. Kemšam přizamknje so česćowanje Najswjećišeho na najwšelakoriše wašnje ze spěwanjom a modlenjom. Zdobom budže tež móžno, sakrament wujednanja přijěć abo so cyle jednorje z měšnikom rozmołwjeć. Na tutym wječoru móžeš k měrej přińć, wotpočnyć a tak Boha nadeńć. Komplet w 23 hodź. wječor zakónči. Wšitcy zajimcy wutrobnje přeprošeni.